


40. Laai cih banz

How to make thread



Riang

40. Laai cih banz

How to make thread

Ihz taemz: Caaiz Awng
Ihz caet: Cumz Lik Reu Yaang
Ihz taemz raang: Thein Tun Oo
Mony: Reu Yaang
Laehz: 2 laehz
Seu ngihz: 2/2020

Riang
Myanmar



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Author: Caaiz Awng


Editor: Riang Language Committee

Illustrator: Thein Tun Oo


Language: Riang

Edition: 2nd edition

Date: 02/2020



Kuanz mai Reu Yaang ehz, kreung kap tae cih leh daehz ne, meuz seun teungz tae cih luhz cih paaiz, ta penz banz an ni bawnz cih aacz luhz hnhz.



Phrihz phahz an lo cao


1. teur niat
2. aakz patz paaiz
3. khiakz daakz tamz laai
4. keun leng
5. kawn klaengz
6. omz
7. kaaiz sinz
8. plaehz kipz
9. teun wiurz
10. preng



Beuk ehz ngaz cih luhz, tawgz leh daakz paaiz, naarz teuk hawngz mok. Beuk daakz paaiz an naarz mok wa hawngz kaw, plawnz thengz hikz an takz paaiz keu diz.


A wa kaw teur niat thengz cakz hnhz. Beuk a wa teur niat laep kaw, patz hnhz leuk.

Patz hnhz samz leh aakz patz paaiz, patz hnhzz boh, patz aez paaiz phongz phongz, yak aez hnhz teur cawcz penz ti leui.



Beuk a wa patz laep kaw mar cih seuk pawhz leuk. Mar sapz kaai khiakz daakz tamz laai, leh kaw lawngz tuhz keutz hnhz, mar aez penz laem penz laem, leh kaw pok mok hnhz rak rak.


Kamz diz samz leh seuk pawhz an diz, peusz hnhz leuk. Peusz aez penz luhz nim, peusz sapz kaai keun leng, te penz truz maiz luhz nim.



Beuk wa penz luhz nim samz wawkz waekz. Wawkz waekz sapz kaai kawn klaengz, teur wawkz waekz an diz luhz nim teu pulz. Teur wawkz waekz an diz ihz raak seu ngaai, teur ngaai leh luhz nim teu pulz hacz aamz. Beuk a wa samz, ya lae khlawcz mok aez penz kingz penz kingz, tamz mok tuhz omz aarz borz.

Beuk wa bawnz aarz borz kaw, leh lae truz ngaac sapz kaaiz sinz, beuk wa ngaac kaaiz kaw tamz mok tuhz preng seu borz.

Beuk wa bawnz seu borz kaw, leh lae kaas plaehz kipz, kaas plaehz an ni, ihz raak “kaai luhz” Meuz kaai an diz leh yaar mok kaai saoz paenz mok thaz wa aez krenk krenk.



Kaai mok aez laep laep, yak aez senz luhz teur takz daehz, aez penz senz phao senz manz, aez kaaiz hnhz klaez haacz aamz.

Kamz ni kaw naarz mok aez hawngz hawngz. Beuk wa hawngz kaw waen hnhz leuk. Meuz daeh waen samz leh luhz supz sapz kaai teun wiurz. Teun wiurz an ni bawnz cao thaengz keun leng laai. Leh luhz an naeh kaai teun wiurz waen sapz kaai waen. Teur waen an diz aez maen ta luhz seu ngaai. Beuk wa waen kaw wawk hnhz boh. Meuz wawk hnhz an ni meoz hnhz keunyz baaiz. Beuk wa wawk kaw kez hnhz leuk.

